

**10 мая 2020 года**

**НЕДЕЛЯ 4-я по ПАСХЕ,**

**О РАССЛАБЛЕННОМ**

**Последование часов и обедницы  
для домашнего (келейного) совершения**

### **ЧАС ТРЕТИЙ**

Молитвами святых отец наших, Господи Иисусе Христе, Боже наш, помилуй нас.

**Христос воскрес из мертвых, смертию смерть поправ и сущим во гробех живот даровав. Трижды.**

Святый Боже, Святый Крепкий, Святый Безсмертный, помилуй нас. **Трижды, и три поклона.**

Слава Отцу, и Сыну, и Святому Духу, и ныне и присно, и во веки веков. **Аминь.**

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

**Господи, помилуй. Трижды.**

**Слава, и ныне:**

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[**Яко** Твое есть Царство и сила и слава во веки. Аминь. (Мф. 6: 9-13)]

**Господи, помилуй, 12.**

**Слава, и ныне:**

**Приидите, поклонимся Цареве нашему Богу.**

**Приидите, поклонимся Христу, Цареве нашему, Богу.**

**Приидите, поклонимся и припадём Самому Христу, Цареве и Богу нашему.**

## Псалом 16

Услыши, Господи, правду мою, вонми молению моему, внуши молитву мою не во устнах льстивых. От лица Твоего судьба моя изыдет, очи мои да видита правоты. Искусил еси сердце мое, посетил еси нощию, искусил мя еси, и не обретесе во мне неправда. Яко да не возглаголют уста моя дел человеческих, за словеса устен Твоих аз сохраних пути жестокости. Соверши стопы моя во стезях Твоих, да не подвижутся стопы моя. Аз возвах, яко услышал мя еси, Боже, приклони ухо Твое мне и услыши глаголы моя. Удиви милости Твоя, спасая уповающих на Тя от противящихся деснице Твоей. Сохрани мя, Господи, яко зеницу ока, в крове крилу Твоею покрыеши мя. От лица нечестивых острастших мя, врази мои душу мою одержаша. Тук свой затвориша, уста их глаголаша гордыню. Изгонящие мя ныне обыдоша мя, очи свои возложиша уклонити на землю. Объяша мя яко лев готов на лов и яко скимен обитая в тайных. Воскресни, Господи, предвари я и запни им, избави душу мою от нечестиваго, оружие Твое от враг руки Твоея. Господи, от малых от земли, раздели я в животе их, и сокровенных Твоих исполнися чрево их, насытятся сынов, и оставиша останки младенцем своим. Аз же правдою явлюся лицу Твоему, насыщуся, вегда явити ми ся славе Твоей.

## Псалом 24

К Тебе, Господи, воздвигох душу мою, Боже мой, на Тя уповах, да не постыжуся во век, ниже да посмеют ми ся врази мои, ибо вси терпящие Тя не постыдятся. Да постыдятся беззаконующии вотще. Пути Твоя, Господи, скажи ми, и стезям Твоим научи мя. Настави мя на истину Твою, и научи мя, яко Ты еси Бог Спас мой, и Тебе терпех весь день. Помяни щедроты Твоя, Господи, и милости Твоя, яко от века суть. Грех юности моея, и неведения моего не помяни, по милости Твоей помяни мя Ты, ради благодати Твоея, Господи. Благ и прав Господь, сего ради законоположит согрешающим на пути. Наставит краткия на суд, научит краткия путем Своим. Все пути Господни милость и истина, взыскающим завета Его, и свидения Его. Ради имени Твоего, Господи, и очисти грех мой, мног бо есть. Кто есть человек бояйся Господа? Законоположит ему на пути, егоже изволи. Душа его во благих водворится, и семя его наследит землю. Держава Господь боящихся Его, и завет Его явит им. Очи мои вину ко Господу, яко Той исторгнет от сети нозе мой. Призри на мя и помилуй мя, яко единород и нищ есмь аз. Скорби сердца моего умножишася, от нужд моих изведи мя. Видь смирение мое, и труд мой, и остави вся грехи моя. Видь враги моя, яко умножишася, и ненавидением неправедным возненавидеша мя. Сохрани душу мою, и избави мя, да не постыжуся, яко

уповах на Тя. Незлѡбиви и прѡвии прилепляхуся мне, яко потерпѣх Тя, Гѡсподи. Избѡви, Бѡже, Израїля от всех скорбѣй егѡ.

### Псалѡм 50

Помѣлуй мя, Бѡже, по велицей мѣлости Твоей, и по мнѡжеству щедрѡт Твоих очѣисти беззакѡние мое. Наипѡче омѣй мя от беззакѡния моего, и от грехѡ моего очѣисти мя; яко беззакѡние мое аз знаю, и грех мой предо мною есть вѣну. Тебѣ единому согрѣших, и лукавое пред Тобѡю сотворих; яко да оправдишися во словесех Твоих, и победиши, внигда судити Ти. Се бо в беззакѡнных зачат есмь, и во гресех роди мя мати моя. Се бо истину возлюбил еси, безвѣстная и тайная премудрости Твоея явил ми еси. Окропиши мя иссопом, и очѣшуся; омѣеши мя, и пѡче снѣга убелюся. Слѣху моему дѡси рѡдость и весѣлие; возрадуются кости смиренныя. Отврати лице Твое от грех моих, и вся беззакѡния моя очѣисти. Сѣрдце чисто созижди во мне, Бѡже, и дух прав обнови во утробѣ моей. Не отвержи мене от лица Твоего, и Дѣха Твоего Святого не отыми от мене. Воздаждь ми рѡдость спасения Твоего, и Дѣхом Владычним утверди мя. Научу беззакѡнныя путем Твоим, и нечестивии к Тебѣ обратятся. Избѡви мя от кровей, Бѡже, Бѡже спасения моего; возрадуется язык мой правде Твоей. Гѡсподи, устне мои отверзеши, и уста моя возвестят хвалу Твою. Яко аще бы восхотѣл еси жѣртвы, дал бых ѹбо: всесожжѣния не благоволиши. Жѣртва Бѡгу дух сокрушен; сѣрдце сокрушено и смиренно Бог не унижит. Ублажи, Гѡсподи, благоволением Твоим Сиѡна, и да созиждутся стѣны Иерусалимския. Тогда благоволиши жѣртву правды, возношение и всесожегаемая; тогда возложат на олтарь Твой тельцы.

Слѡва, и ныне:

Аллилуїа, аллилуїа, аллилуїа, слѡва Тебѣ Бѡже. **Трижды.**

Гѡсподи, помѣлуй. **Трижды.**

Слѡва:

**Тропарь воскресный, глас 3:**

Да веселятся небѣсная,/ да радуются земная;/ яко сотвори державу мѣшцею Своєю Господь,/ попрѡ смѣртию смѣрть,/ пѣрвенец мѣртвых бысть;/ из чрева ѡдова избѡви нас, // и подаде мѣрови велию мѣлость.

И ныне:

**Богородичен:**

Богородице, Ты еси лѡза истинная, возрастѣвшая нам Плод живота, Тебѣ молимся: молися, Владычице, со святыми апѡстолы помѣловати дѣши

наша.

**Таже:**

Господь Бог благословен, благословен Господь день дне, поспешит нам Бог спасений наших, Бог наш, Бог спасати.

Святый Боже, Святый Крепкий, Святый Безсмертный, помилуй нас.  
**Трижды.**

Слава Отцу и Сыну и Святому Духу, и ныне и присно и во веки веков.  
**Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. **Трижды. Слава, и ныне:**

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

**Кондак, праздника Троицы (О расслабленном), глас 3:**

Душу мою, Господи, во гресех всяческих, / и безместными деяньми люте  
разслаблену, / воздвигни Божественным Твоим предстательством, / якоже  
и разслабленнаго воздвигл еси древле, / да зову Ти, спасаемь:// Щедрый,  
слава Христе, державе Твоей.

**Господи, помилуй. 40.**

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагодарне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, приими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаемы и наставляемы, достигнем в соединение веры и в разум неприступныя Твоея славы, яко благословен еси во веки веков, аминь.

**Честнейшую Херувим и славнейшую без сравнения Серафим, без исления Бóга Сло́ва рóждшую, сущую Богородицу, Тя велича́ем.**

**Моли́твами святы́х оте́ц на́ших, Го́споди Иису́се Христэ́, Бо́же наш, поми́луй нас.**

**И молитву сию, святого Мардария:**

**Влады́ко Бо́же О́тче Вседержи́телю, Го́споди Сы́не Единоро́дный Иису́се Христэ́, и Святы́й Ду́ше, Еди́но Божэ́ство, Еди́на Си́ла, поми́луй мя, грэ́шнаго, и и́миже véси судьба́ми, спаси́ мя, недостóйнаго раба́ Твоего́, я́ко благословéн еси́ во véки веко́в. Ами́нь.**

## **ЧАС ШЕСТЫЙ**

**Христóс воскресе́ из мёртвых, смёртию́ смерть попра́в и сущим во гробéх живóт дарова́в. Трижды.**

### **Псалом 53**

**Бо́же, во и́мя Твое́ спаси́ мя, и в си́ле Твое́й суди́ ми. Бо́же, услы́ши моли́тву мою́, внуши́ глаго́лы уст мои́х. Я́ко чужди́и воста́ша на мя и кре́пцыи взыска́ша ду́шу мою́, и не предлож́ша Бо́га пред собо́ю. Се бо Бог помога́ет ми, и Господь Засту́пник ду́ш моёй. Отврати́т злая́ враго́м мо́им, и́стиною Твое́ю потреб́и их. Во́лею пожру́ Тебе́, испове́мся и́мени Твоему́, Го́споди, я́ко блага́, я́ко от вся́кия печа́ли изба́вил мя еси́, и на враги́ моя́ возре́ око́ моё.**

### **Псалом 54**

**Внуши́, Бо́же, моли́тву мою́ и не презри́ моле́ния моего́. Вонми́ ми и услы́ши мя: возскорбéх печа́лию моёю и смято́хся. От гла́са вра́жия и от стужéния грэ́шника, я́ко уклон́ша на мя беззакóние и во гнэ́ве враждова́ху ми. Сёрдце моё смяте́ся во мне и боя́знь смёрти нападе́ на мя. Страх и трéпет при́де на мя и покры́ мя тьма. И рех: кто даст ми криле́, я́ко голубинé, и полещу́, и почи́ю? Се удал́хся бéгая и водвори́хся в пусты́ни. Чая́х Бо́га, спаса́ющаго мя от малоду́шия и от бу́ри. Потопи́, Го́споди, и раздели́ язы́ки их: я́ко ви́дех беззакóние и пререка́ние во гра́де. Днём и но́щию обы́дет и́ по стена́м его́. Беззакóние и труд посреде́ его́ и неправда. И не оскуде́ от стогн его́ ли́хва и лесть. Я́ко а́ще бы враг поноси́л ми, претерпе́л бых у́бо, и а́ще бы ненави́дьяй мя на мя велерече́вал, укрýл бых ся от него́. Ты же, челове́че равноду́шне, влады́ко мой и зна́емый мой, и́же купно наслажда́лся еси́ со мно́ю бра́шен, в дому́ Бóжии ходи́хом единомышлэ́нием. Да при́дет же смёрть на ня, и да сн́дут во ад жи́ви, я́ко лука́вство в жили́щах их, посреде́ их. Аз к Бо́гу воззва́х, и Господь услы́ша мя. Вэ́чер и за́утра, и полудне́ пове́м, и возвещу́, и услы́шит глас мой.**

Избавит миром душу мою от приближающихся мне, яко во мнозе бяху со мною. Услышит Бог и смирит я, Сый прежде век. Несть бо им изменения, яко не убояшася Бога. Простре руку свою на воздаяние, оскверниша завет Его. Разделишася от гнева лица Его, и приближишася сердца их, умякнуша словеса их паче елеа, и та суть стрелы. Возврати на Господа печаль твою, и Той тя препитает, не даст в век молвы праведнику. Ты же, Боже, низведи их во студенец истления, мужие кровей и лести не преполовят дней своих. Аз же, Господи, уповаю на Тя.

### Псалом 90

**Живый** в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи и от словесе мятежна, плещма Своима осенит тя, и под криле Его надеешися: оружием обыдет тя истина Его. Не убойшия от страха ночнаго, от стрелы летящая во дни, от вещи во тме преходящая, от сряца и беса полуденнаго. Падет от страны твоея тысяща, и тма одесную тебе, к тебе же не приближится, обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не придет к тебе зло и рана не приближится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеша о камень ногу твою, на аспида и василиска наступиши, и попереши льва и змия. Яко на Мя упова и избавлю и, покрыю и, яко позна имя Моё. Воззовет ко Мне и услышу его, с ним есмь в скорби, изму его и прославлю его, долготою дний исполню его и явлю ему спасение Моё.

Слава, и ныне:

Аллилуиа, аллилуиа, аллилуиа, слава Тебе Боже. **Трижды.**

Господи, помилуй. **Трижды.**

Слава:

**Тропарь воскресный, глас 3:**

Да веселятся небесная,/ да радуются земная;/ яко сотвори державу мщицею Своею Господь,/ попра смертью смерть,/ первенец мертвых бысть;/ из чрева адова избави нас,// и подаде миру велию милость.

И ныне:

**Богородичен:**

Яко не имамы дерзновения за премногия грехи наша, Ты иже от Тебе Родшася моли, Богородице Дево, много бо может моление Матернее ко

благосердию Владыки. Не презри грешных мольбы, Всечыстая, яко милостив есть и спасти могый, Иже и страдати о нас изволивый.

**Таже:**

Скоро да предварят ны щедроты Твоя, Господи, яко обнищавом зело; помози нам, Боже, Спасе наш, славы ради Имене Твоего, Господи, избави нас и очисти грехи наша, Имене ради Твоего.

Святый Боже, Святый Крепкий, Святый Безсмертный, помилуй нас.  
**Трижды.**

Слава Отцу и Сыну и Святому Духу, и ныне и присно и во веки веков.  
**Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. **Трижды. Слава, и ныне:**

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. **Аминь.** (Мф. 6: 9-13)]

**Кондак, праздника Троицы (О расслабленном), глас 3:**

Душу мою, Господи, во гресех всяческих, / и безместными деяньми люте  
разслаблену, / воздвигни Божественным Твоим предстательством, / якоже  
и разслабленнаго воздвигл еси древле, / да зову Ти, спасаемь:// Щедрый,  
слава Христе, державе Твоей.

**Господи, помилуй. 40.**

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагодарне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, прими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаемы и наставляемы,

достигнем в соединѣние вѣры и в разум неприступныя Твоея славы, яко благословѣн еси во вѣки вековъ, амѣнь.

Честнѣйшую Херувѣм и славнейшую без сравнѣния Серафѣм, без ислѣния Бѣга Слѣва рѣждшую, сущую Богородицу, Тя величаѣм.

Молѣтвами святыхъ отецъ нашихъ, Господи Иисусе Христѣ, Бѣже нашъ, помилуй насъ.

### И молитву сию святаго Великаго Василия:

Бѣже и Господи сил и всея твари Содѣтелю, Иже за милосѣрдие безприкладныя милости Твоея Единороднаго Сына Твоего, Господа нашего Иисуса Христа, низпославый на спасѣние рода нашего, и честнымъ Его Крестомъ рукописание грех нашихъ растерзавый, и победивый темъ начала и власти тьмы. Самъ, Владыко Человеколюбче, прими и насъ, грѣшныхъ, благодарственныя сия и молѣбныя молѣтвы и избави насъ отъ всякаго всегубительнаго и мрачнаго прегрѣшенія и всехъ озлобити насъ ищущихъ вѣдимыхъ и невѣдимыхъ врагъ. Пригвозди страху Твоему плоти наша и не уклони сердце нашихъ в словеса или помышленія лукавствія, но любовь Твоею уязви души наша, да, к Тебѣ всегда взирающе и еже от Тебѣ свѣтомъ наставляеми, Тебѣ, неприступнаго и присносущнаго зряще Свѣта, непрестанное Тебѣ исповѣдание и благодарѣние возсылаѣмъ, Безначальному Отцу со Единороднымъ Твоимъ Сыномъ и Всесвятымъ, и Благимъ, и Животворящимъ Твоимъ Духомъ ныне, и присно, и во вѣки вековъ. Амѣнь.

## ЧИН ОБЕДНИЦЫ

**Христосъ воскресъ из мѣртвыхъ, смѣртию смерть поправъ и сущимъ во гробѣхъ живѣт даруявъ. Трижды.**

Благослови, душе моя, Господа: благословен еси, Господи.

### Псалом 102

Благослови, душе моя, Господа, и вся внутренняя моя, имя святое Его. Благослови, душе моя, Господа, и не забывай всехъ воздаяний Его, очищающаго вся беззаконія твоя, исцѣляющаго вся недуги твоя, избавляющаго отъ ислѣния живѣт твой, венчающаго тя милостию и щедрѣтами, исполняющаго во благихъ желаніе твое: обновится яко орля юность твоя. Твори милостины Господь, и судьбу всемъ обидимымъ. Сказавъ пути Своя Моисѣю, сыномъ Израилевымъ хотѣнія Своя. Щедръ и милостивъ Господь, долготерпѣливъ и многомилостивъ. Не до конца прогнѣвается, ниже во векъ враждуетъ. Не по беззаконію нашему сотворилъ есть намъ, ниже по грехомъ нашимъ воздалъ есть намъ. Яко по высотѣ небесней

от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет: яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящии слово Его, услышати глас словес Его. Благословите Господа, вся силы Его, слуги Его, творящии волю Его. Благословите Господа, вся дела Его, на всяком месте владычества Его, благослови, душе моя, Господа.

**Слава Отцу, и Сыну, и Святому Духу.**

### **Псалом 145**

**Хвали, душе моя, Господа. Восхваляю Господа в животе моем, пою Богу моему, дондеже есмь. Не надейтесь на князи, на сыны человеческия, в нихже несть спасения. Изыдет дух его, и возвратится в землю свою: в той день погибнут вся помышления его. Блажен, емуже Бог Иаковль Помощник его, упование его на Господа Бога своего, сотворшаго небо и землю, море и вся, яже в них, хранящаго истину в век, творящаго суд обидимым, дающаго пищу алчущим. Господь решит окованныя, Господь умудряет слепцы, Господь возводит низверженныя, Господь любит праведники. Господь хранит пришельцы, сира и вдову примет, и путь грешных погубит. Воцарится Господь во век, Бог твой, Сионе, в род и род.**

**И ныне и присно, и во веки веков. Аминь.**

**Единородный Сыне, и Слове Божий, Безсмертен Сый, и изволивый спасения нашего ради воплотитися от Святыя Богородицы и Приснодевы Марии, непреложно вочеловечивыйся, распныйся же, Христэ Бже, смертию смерть поправый, един Сый Святыя Троицы, прославляемый Отцу и Святому Духу, спаси нас.**

### **БЛАЖЕННЫ**

**Во Царствии Твоем, помяни нас, Господи, егда приидеши во Царствии Твоем.**

**Блажени нищии духом, яко тех есть Царство Небесное.**

**Блажени плачущии, яко тии утешатся.**

**На 10: Блажени кротцыи, яко тии наследят землю.**

**Блажéни** áлчушии и жáждушии прáвды, я́ко тii насýтятся.

**На 8:** Блажéни мiлостивии, я́ко тii помiловани бýдут.

**Отвэргша**, Христé, зáповедь Твою, / прáотца Адáма из райá изгнáл еси: / разбóйника же щéдре исповéдавшá Тя на крестé, / вонь вселiл еси, зовýща: // помяни мя, Спáсе, во цáрствии Твоём.

**Блажéни** чiстии сёрдцем, я́ко тii Бóга úзрят.

**Согрéших нас смёртною осудил** еси клятвою, Живодáвче и Гóсподи, / телом же Твоим, безгрéшне Влады́ко, пострада́в, / смёртныя оживил еси зовýщия: // помяни и нас во цáрствии Твоём.

**На 6:** Блажéни миротвóрцы, я́ко тii сынове Бóжии нареку́тся.

**Воскрéс из мёртвых, совоскресил** еси нас от страстéй / воскресéнием Твоим, Гóсподи: / смёртную же всю сiлу погубил еси, Спáсе. / Сегó рáди véрою Ти зовём: // помяни и нас во цáрствии Твоём.

**Блажéни** изгнáни прáвды рáди, я́ко тех есть Цáрство Небéсное.

**Триднёвным** Твоим погребéнием, / iже во áде умерщвлéнныя, я́ко Бог, оживотворивый, совоздвигл еси, / и нетлéние всем, я́ко Благ, источил еси нам, véрою зовýщим всегдá: // помяни и нас во цáрствии Твоём.

**На 4:** Блажéни естé, егдá понóсят вам, и изжену́т, и реку́т всяк зол глагол на вы, лжу́ще, Менé рáди.

**Божéственнии** ученицы́, вiдевшé жизнь всех из грóба востáвшá Христá, любóвию мно́гою, и нрáвом прáвым, и весéлием душéвным покланя́хуся.

**Рáдуйтесь** и веселитесь, я́ко мзда вáша мно́га на Небесéх.

**Дрэвле** на одрэ болéзненном, в лётех мно́зех слежáй, Твоим Христé повелéнием исцелéв, слáвит воспеvя благоутрóбие Твоé, Жизнодáтелю.

**Слáва:** Трóицу ли́цы Тя чту, едiницу же Существóм проповéдаю, Безначáльне Отче, Сыне, Дúше прáвый: Бóже всех, с вы́шними стрáшными вóинствами

**И ны́не:** Вся божéственным мановéнием носáй, держимь есть Богорóдице Дéво во обя́тиях твоих, всех нас восхищáя, от руки́ рабóты лукавaго, я́ко щедр.

## ТРИСВЯТОЕ

Святы́й Бо́же, Святы́й Кре́пкий, Святы́й Безсме́ртный, поми́луй нас.  
**Трижды, и три поклона.**

Сла́ва Отцу́, и Сы́ну, и Свято́му Ду́ху, и ны́не и прісно, и во ве́ки веко́в.  
Ами́нь.

Святы́й Безсме́ртный, поми́луй нас.

Святы́й Бо́же, Святы́й Кре́пкий, Святы́й Безсме́ртный, поми́луй нас.

## Прокимен, апостол и Евангелие

**Прокімен, глас 1:** Буди Го́споди ми́лость Твоя́ на нас,/ я́коже упова́хом на Тя.

**Стіх:** Ра́дуйтесь пра́веднии о Го́споде: пра́вым подобáет похвалá.

Буди Го́споди ми́лость Твоя́ на нас,/ я́коже упова́хом на Тя.

## Деяний святы́х Апóстол чтéние.

### Деяния святы́х Апóстол, зачало 23: IX, 32-42:

**Во дни о́ны, бысть Петру́, посеща́ющу всех, снїти и ко святы́м живущим в Лїдде: Обрете же та́мо челове́ка не́коего, і́менем Ене́а, от осмі лет лежа́ща на одре́, і́же бе разсла́блен. И рече́ ему́ Петр: Ене́е, исцеля́ет тя Иису́с Христóс, востáни с постéли твоея́. И áбие востá: И вїдеша егó вси живущи́и в Лїдде и во Ассарóне, і́же обрати́шася ко Го́споду. Во Иоппїи же бе не́кая учени́ца, і́менем Тавїфа, я́же сказа́ема глаго́лется, се́рна: сїя бя́ше испóлнена благі́х дел и ми́лостынь, я́же творя́ше. Бысть же во дни тѣя, болéвше́й ей умре́ти: омѣвше же ю́, положи́ша в го́рнице. Близ же сущей Лїдде Иоппїи, ученицы́ слы́шавше, я́ко Петр есть в ней, посла́ша два му́жа к нему́, моля́ще егó не обленї́тися приитї́ до них. Востáв же Петр і́де с нїма, егóже прише́дша возведóша в го́рницу, и предстáша ему́ вся вдови́цы пла́чуща, и показу́юща рїзы и оде́жды, елі́ка творя́ше, с нїми сущи, Се́рна. Изгна́в же вон вся Петр, прекло́нь колéна помолї́ся, и обра́щся к тéлу, рече́: Тавїфо, востáни. Она́ же отвéрзе о́чи своѣ, и вїдевши Петра́, седе. Пода́в же ей ру́ку, воздвї́же ю́, и призва́в святы́я и**

**вдовицы, постави ю живу. Уведано же бысть се по всей Иоппии, и мнози вероваша в Господа.**

**Русский перевод:** В эти дни, случилось, что Петр, обходя всех, пришел и к святым, живущим в Лидде. Там нашел он одного человека, именем Энея, который восемь уже лет лежал в постели в расслаблении. Петр сказал ему: Эней! исцеляет тебя Иисус Христос; встань с постели твоей. И он тотчас встал. И видели его все, живущие в Лидде и в Сароне, которые и обратились к Господу. В Иоппии находилась одна ученица, именем Тавифа, что значит: "серна"; она была исполнена добрых дел и творила много милостынь. Случилось в те дни, что она занемогла и умерла. Ее омыли и положили в горнице. А как Лидда была близ Иоппии, то ученики, услышав, что Петр находится там, послали к нему двух человек просить, чтобы он не замедлил прийти к ним. Петр, встав, пошел с ними; и когда он прибыл, ввели его в горницу, и все вдовицы со слезами предстали перед ним, показывая рубашки и платья, какие делала Серна, живя с ними. Петр выслал всех вон и, преклонив колени, помолился, и, обратившись к телу, сказал: Тавифа! встань. И она открыла глаза свои и, увидев Петра, села. Он, подав ей руку, поднял ее, и, призвав святых и вдовиц, поставил ее перед ними живою. Это сделалось известным по всей Иоппии, и многие уверовали в Господа.

**Глас 5:** Аллилу́ия, аллилу́ия, аллилу́ия.

**Стіх:** Мѣлости Твоя́ Го́споди во век воспою́.

Аллилу́ия, аллилу́ия, аллилу́ия.

**Стіх:** Зане́ рекл еси́: в век мѣлость сози́ждется.

Аллилу́ия, аллилу́ия, аллилу́ия.

От Иоанна свята́го Евáнгелия чтéние.

Сла́ва Тебе́, Го́споди, сла́ва Тебе́.

**Евангелие от Иоанна, зачало 14: V, 1 – 15:**

**Во время оно, взыде Иисус во Иерусалим. Есть же во Иерусалимех на Овчей купели, яже глаголется еврейски Вифесда, пять притвор имущи. В тех слежаше множество болящих, слепых, хромых, сухих, чающих движения воды. Ангел бо Господень на всяко лето сходшаше в купель, и возмущаше воду: и яже первее влазяше по возмущении воды, здрав бываше, яцем же недугом одержимь бываше. Бе же ту некий человек, тридесать и осмь лет имый в недуге своем. Сего видев Иисус лежаща, и разумев, яко многа лета уже имяше в недуге, глагола**

ему: хочещи ли цел быти? Отвещá Ему недужный: ей, Гóсподи, челове́ка не ймам, да егда́ возмутится вода, ввержет мя в купель: егда́ же прихожду́ аз, ин прэжде менé слáзит. Глаго́ла ему́ Исус: востáни, возми́ одр твой, и ходи́. И áбие здрав бысть человек, и взял одр свой, и хождáше. Бе же суббóта в той день. Глаго́лаху же жидове изцелévшему: суббóта есть, и не достóит ти взяти одрá твоегó. Он же отвещá им: Йже мя сотвори́ цéла, Той мне речé: возми́ одр твой и ходи́. Вопроси́ша же егó: кто есть Человек рекий ти: возми́ одр твой и ходи́? Изцелévый же не ведáше, кто есть: Исус бо уклóнься, наро́ду сущу на мéсте. Потóм же обрéте егó Исус в цéркви, и речé ему́: се здрав бысть, ктому́ не согрешáй, да не гóрше ти что бóдет. Иде же человек, и повéда иудéом, я́ко Исус есть, Йже мя сотвори́ цéла.

**Русский перевод:** В то время, был праздник Иудейский, и пришел Иисус в Иерусалим. Есть же в Иерусалиме у Овечьих *ворот* купальня, называемая по-еврейски Вифезда\*, при которой было пять крытых ходов. В них лежало великое множество больных, слепых, хромых, иссохших, ожидающих движения воды, <sup>4</sup>ибо Ангел Господень по временам сходил в купальню и возмущал воду, и кто первый входил в нее по возмущении воды, тот выздоравливал, какою бы ни был одержим болезнью. Тут был человек, находившийся в болезни тридцать восемь лет. Иисус, увидев его лежащего и узнав, что он лежит уже долгое время, говорит ему: хочешь ли быть здоров? Больной отвечал Ему: так, Господи; но не имею человека, который опустил бы меня в купальню, когда возмутится вода; когда же я прихожу, другой уже сходит прежде меня. Иисус говорит ему: встань, возьми постель твою и ходи. И он тотчас выздоровел, и взял постель свою и пошел. Было же это в день субботний. Посему Иудеи говорили исцеленному: сегодня суббота; не должно тебе брать постели. Он отвечал им: Кто меня исцелил, Тот мне сказал: возьми постель твою и ходи. Его спросили: кто Тот Человек, Который сказал тебе: возьми постель твою и ходи? Исцеленный же не знал, кто Он, ибо Иисус скрылся в народе, бывшем на том месте. Потом Иисус встретил его в храме и сказал ему: вот, ты выздоровел; не грехи больше, чтобы не случилось с тобою чего хуже. Человек сей пошел и объявил Иудеям, что исцеливший его есть Иисус.

Слáва Тебé, Гóсподи, слáва Тебé.

Помяни́ нас, Гóсподи, егда́ прийдеси во Цáрствии Твоём. **Поклон.**

Помяни́ нас, Влады́ко, егда́ прийдеси во Цáрствии Твоём. **Поклон.**

Помяни́ нас, Святы́й, егда́ прийдеси во Цáрствии Твоём. **Поклон.**

Лик Небéсный поет Тя и глаго́лет: Свят, Свят, Свят Гóсподь Савао́ф, испóльнь Не́бо и земля́ слáвы Твоея́.

**Стих:** Приступите́ к Немú и просветите́ся, и лица́ ва́ша не постыдýтся.

**Лик Небесный** поет Тя и глаголет: Свят, Свят, Свят Господь Саваоф, исполнь Небо и земля славы Твоея.

**Слава:** Лик святых Ангел и Архангел со всеми Небесными Силами поет Тя и глаголет: Свят, Свят, Свят Господь Саваоф, исполнь Небо и земля славы Твоея.

**И ныне:** Вѣрую во единого Бога Отца, Вседержителя, Творца Небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рожденного прежде всех век; Света от Света, Бога истинна от Бога истинна, рождена, несотворенна, единосущна Отцу, Имже вся быша. Нас ради человек и нашего ради спасения сшедшаго с Небес, и воплотившагося от Духа Свята и Марии Девы, и вочеловечшася. Распятого же за ны при Понтийстем Пилате, и страдавша, и погребенна. И воскресшаго в третий день, по Писанием. И возшедшаго на Небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. Во едину Святую, Соборную и Апостольскую Церковь. Исповедую едино Крещение во оставление грехов. Чаю воскресения мертвых, и жизни будущаго века. Аминь.

Ослаби, остави, прости, Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в ночи, яже во уме и в помышлении: вся нам прости, яко Благ и Человеколюбец.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[Яко Твое есть Царство и сила и слава во веки. Аминь. (Мф. 6: 9-13)]

### **Кондак, праздника Троицы (О расслабленном), глас 3:**

Душу мою, Господи, во гресех всяческих, / и безместными деяньми люте разслаблену, / воздвигни Божественным Твоим предстательством, / якоже и разслабленнаго воздвигл еси древле, / да зову Ти, спасаемь:// Щедрый, слава Христе, державе Твоей.

**Слава, и ныне:**

**Конда́к Па́схи, глас 8:**

А́ще и во гроб снизше́л еси́, Безсме́ртне,/ но а́дову разруши́л еси́ си́лу,/ и воскресе́л еси́, я́ко победитель, Христе́ Бо́же,/ жена́м миронóсицам веща́вый: ра́дуйтесь,/ и Твои́м апо́столом мир да́руяй,// па́дшим пода́й воскресе́ние.

**Го́споди, поми́луй. 12.**

**И моли́тву:**

Всесвята́я Трóице, Единосу́щная Держа́во, Неразде́льное Ца́рство, всех благо́их Вина́, благоволи́ же и о мне грéшнем, утверди́, вразуми́ се́рдце мое́, и всю мою́ отыми́ скве́рну, просвети́ мою́ мысль, да вы́ну сла́влю, пою́, поклоня́юся и глаго́лю: Еди́н Свят, Еди́н Госпо́дь, Иису́с Христо́с, во сла́ву Бо́га Отца́. **Ами́нь.**

**Бу́ди Имя Госпо́дне благослове́но отны́не и до ве́ка. Трижды.**

**Сла́ва, и ны́не:**

**Псалом 33:**

Благословлю́ Го́спода на вся́кое вре́мя, вы́ну хвала́ Его́ во устéх мои́х. О Го́споде похва́лится душа́ моя́, да услы́шат крóтцыи и возвеселя́тся. Возвели́чите Го́спода со мно́ю, и вознесём и́мя Его́ вку́пе. Взыска́х Го́спода, и услы́ша мя, и от всех скорбе́й мои́х изба́ви мя. Приступите́ к Нему́ и просветите́ся, и лица́ ва́ша не посты́дятся. Сей ни́щий воззва́, и Госпо́дь услы́ша и́, и от всех скорбе́й его́ спасе́ и́. Ополчи́тся Ангел Госпо́день о́крест бо́ящихся Его́, и изба́вит их. Вкуси́те и ви́дите, я́ко благ Госпо́дь; блаже́н муж, и́же упова́ет Нань. Бо́йтесь Го́спода, вси святи́и Его́, я́ко несть лишéния бо́ящимся Его́. Богáтии обнища́ша и взалка́ша, взыска́ющие же Го́спода не лишáтся вся́каго блага́. Приидите́, ча́да, послу́шайте мене́, стра́ху Госпо́дню научу́ вас. Кто есть челове́к хотя́й живо́т, любя́й дни ви́дети блага́? Удержи́ язык твой от зла, и устне́ твой, е́же не глаго́лати льсти. Уклони́ся от зла и сотвори́ благо́, взыщи́ ми́ра и поже́ни и́. Очи Госпо́дни на пра́ведныя, и у́ши Его́ в моли́тву их. Лице́ же Госпо́дне на творя́щая зла́я, е́же потреби́ти от земли́ па́мьть их. Воззва́ша пра́веднии, и Госпо́дь услы́ша их, и от всех скорбе́й их изба́ви их. Близ Госпо́дь сокруше́нных се́рдцем, и смире́нныя ду́хом спасе́т. Мно́ги ско́рби пра́ведным, и от всех их изба́вит я́ Госпо́дь. Храни́т Госпо́дь вся ко́сти их, ни еди́на от них сокруши́тся. Смерть грéшников люта́, и ненави́дящие пра́веднаго прегрешáт. Изба́вит Госпо́дь ду́ши раб Свои́х, и не прегрешáт вси упова́ющие на Него́.

**А**нгел вопияше Благодатней: Чистая Дево, радуйся! И паки рекү: радуйся! Твой Сын воскресе триднёвен от гроба, и мёртвыя воздвигнувый: людие, веселитесь.

**С**ветися, светися, нóвый Иерусалиме, слава бо Господня на тебе возсия. Ликуй ныне и веселися, Сионе. Ты же, Чистая, красуйся, Богородице, о востании Рождества Твоего.

Слава, и ныне:

Господи, помилуй. **Трижды. Благослови.**

**Отпуст**

**В**оскресий из мёртвых, Христэ, истинный Бóже наш, молитвами Пречистыя Твоея Матере, преподобных и богоносных отец наших и всех святых, помилуй и спаси нас, яко Благ и Человеколюбец.

**Х**ристос воскресе из мёртвых, смертию смерть поправ и сущим во гробех живót даровав. **Трижды.**

**И** нам дарова живót вéчный, поклоняемся Егó триднёвному Воскресению.

Великаго господина и отца нашего Кирилла, Святэйшаго Патриарха Московскаго и всея Руси, и господина нашего высокопреосвящённейшаго **имярек**, митрополита [**или:** архиепископа; **или:** преосвящённейшаго **имярек**, епископа] [**егоже есть область**], настоятеля, братию и прихожан святаго храма нашего, домочадцы наша и вся православныя христианы, Господи, сохрани их на многая лета.

**КОНЕЦ И БОГУ СЛАВА.**